

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0053119 23

Zenica, 27.02.2024 godine

OPŠTINSKI SUD U ZENICI
Sudija za prethodno saslušanje

Na osnovu člana 45. stav 1. i 2. tačka i) i člana 241. stav 1. Zakona o krivičnom postupku Federacije Bosne i Hercegovine (*Službene novine Federacije BiH, broj 35/03, 37/03, 56/03, 78/04, 28/05, 55/06, 27/07, 53/07, 9/09, 12/10 i 8/13, 59/14*)¹, podižem,

O P T U Ž N I C U

Protiv:

Bašić Zulke, rođena 1961. godine, sa prebivalištem u Zenici, neosuđivana,

Što je:

Nakon što je tačno neutvrđenog od njoj poznate osobe nabavila lažnu javnu ispravu, Uvjerjenje o završenom osmom razredu Osnovne škole „Travnik“ broj ... od 18.08.2011. godine, svjesna da nije završila navedenu školu dovela u zabludu nadležni organ te ovjerila fotokopiju navedene svjedodžbe dana 26.07.2017. godine u Službi za opću upravu Zenica, a potom takvu ovjerenu javnu ispravu sa neistinitim podacima upotrijebila kao pravu, na način da ju je iskoristila prilikom zapošljavanja u ..., a koji neistiniti podatak iz javne isprave o završenoj osnovnoj školi je potom korišten prilikom zaključivanja ugovora o radu i to:

1. Ugovor o radu broj ... od 08.11.2018. godine,
2. Ugovor o radu broj ... od 03.08.2018. godine,
3. Ugovor o radu broj ... od 08.02.2018. godine,
4. Ugovor o radu broj ... od 24.02.2022. godine,

radeći sve vrijeme u ... na poslovima za koje se tražila prema NK osnovna škola, iako je znala da nema traženo obrazovanje za radna mjesta na kojima je radila s obzirom da uvjerenje nije izdata od strane navedene javne obrazovne ustanove niti je evidentirana u matičnoj evidenciji te ustanove,

¹ U daljem tekstu ZKP FBiH.

dakle, javnu ispravu sa neistinitim podacima upotrijebila znajući da se u istoj nalaze neistiniti podaci, a što je i htjela

čime je počinila krivično djelo ovjeravanje neistinitog sadržaja iz člana 375. stav 2. u vezi sa stavom 1. KZ F BiH.

II. U smislu člana 78. KZ BiH, predlažem da se ovjerena fotokopija Uvjerenja o završenom osmom razredu Osnovne škole „Travnik“ broj 123-04/11 od 18.08.2011. godine, upotrijebljena za učinjenje krivičnog djela, **oduzme**, zbog postojanja opasnosti da će biti ponovo upotrijebljena za učinjenje krivičnog djela.